



**Verkefnauppgjör Vatnamælinga gagnvart
Rafmagnsveitum ríkisins árin 1989-1995**

**Kristinn Einarsson,
Árni Snorrason,
Helgi Gunnarsson**

Greinargerð KE-ÁSn-HG-96-06

VERKEFNAUPPGJÖR VATNAMÆLINGA
GAGNVART RAFMAGNSVEITUM RÍKISINS
árin 1989-1995

INNGANGUR

Greinargerð þessi tengist beint fyrri greinargerð KE/ÁSn/HG-96/03, sem inniheldur verkefnauppgjör Vatnamælinga fyrir árið 1995, og KE-95/03, sem inniheldur yfirlit um stöðu vatnamælingaverka fyrir Rafmagnsveitur ríkisins árin 1989 til 1994. Tilgangurinn með henni var að gera nánari grein fyrir stöðu vatnamælingaverka fyrir Rafmagnsveitur ríkisins að viðbættu árinu 1995 og skoða þróun árlegs vinnutíma.

1. SKIPTING VINNUTÍMA OG KOSTNAÐAR HJÁ RAFMAGNSVEITUM
RÍKISINS 1995

Grunntölur samstarfssamnings OS og Rarik frá 1993-01-18 í fylgiskjali frá í október 1991 gera ráð fyrir 50 útivinnustundum (á 222.681 kr.) og 549 innivinnustundum (á 1.169.979 kr.), alls 599 stundum á kr. 1.392.660, allt reiknað á einingarverði ársins 1995. Sérstaklega umsamin verkefni námu kr. 285.392 og samtals var unnið fyrir kr. 1.673.822. Fyrirframgreiðslur Rafmagnsveitna ríkisins á árinu 1995 vegna grunnsamnings námu kr. 1.377.492 og vegna sérverkefna (sem námu 72 útivinnustundum og 5 innivinnustundum) kr. 285.392, samtals kr. 1.662.884 (sjá töflu 4 í greinargerð KE-96/03) á móti vinnuframlagi (111,6 klst. í útivinnu og 552,2 klst. í innivinnu) að upphæð kr. 1.673.822, en til uppgjors fyrir árið 1995 koma kr. 10.938.

Rétt er eins og áður að líta á vinnutíma og uppgjör fyrri ára, áður en til lokauppgjors kemur.

2. VINNUTÍMI OG HEILDARUPPGJÖR ÁRANNA 1989-1994

Í töflu 1 hér á eftir er gefið heildaryfirlit um raunverulegt og greitt vinnuframlag Vatnamælinga fyrir Rafmagnsveitur ríkisins vegna vatnshæðarmælakerfisins. Tölurnar eru sóttar í árlegt uppgjör Vatnamælinga, sem gert hefur verið frá árinu 1989. Þess má geta, að áður hafa Orkustofnun og Rarik gert upp endanlega sín á milli vinnu árunna 1987 og 1988.

TAFLA 1. Unnar og greiddar vinnustundir fyrir Rarik 1989 til 1994

Ár	Útvinna, klst.				Innivinna, klst.			
	Unnið	Greitt	Mismunur	Σ mismunur	Unnið	Greitt	Mismunur	Σ mismunur
1989	330.1	270	60.1	60.1	322.2	682	-359.8	-359.8
1990	140.4	270	-129.6	-69.5	290.2	682	-391.8	-751.6
1991	29.3	130	-100.7	-170.2	26.3	666	-639.7	-1391.3
1992	51.5	50	1.5	-168.7	667.9	549	118.9	-1272.4
1993	144.9	50	94.5	-73.8	3208.8	549	2659.8	1387.4
1994	167.2	70	97.2	23.4	1834.1	557	1277.1	2664.5
1995	111.6	122	-10.4	13.0	552.2	554	-1.8	2662.7

Svo sem sjá má, hafa Vatnamælingar skilað í heild útivinnu sem nemur 13 klst. og innivinnu sem nemur 2.662,7 klst. umfram það sem innheimt hefur verið. Á verðlagi ársins 1995 kæmu því til áfangauppgjors árunna 1989 til 1995 kr. 5.732.404, yrði það niðurstaða samningsaðila að gera árin 1989-1995 upp peningalega í ár.

Hvað varðar útvinnu, þá virðast 140-150 klst. á ári vera algengt vinnuframlag, og gæti því stefnt í ófni með uppsöfnun skulda að óbreyttri 50 klst. fastri árlegri greiðslu. Erfiðara er að áætla algengt vinnuframlag í innivinnu, en á árunum 1993-94 var gert myndarlegt átak í úrvinnslu og útgáfu eldri gagna frá rafstöðvum Rarik. Algjört lágmark til að hafa naumlega undan við skráningu gagna virðist geta verið rúmlega 300 klst. á ári. Að því gefnu að jafnvægi geti ríkt í greiðslu fyrir útvinnu, tæki það þá rúmlega 10 ár að jafna núverandi greiðslustöðu fyrir innivinnu. Að þeim tíma liðnum gætu svo úrvinnslu- og útgáfumál krafist átaks að nýju.

Það eru hagsmunir beggja aðila að varðveita stöðugleika í fjárstreymi sínu á milli, og er lagt til að endurskoða lítillaga áætlunargreiðslu samningsins fyrir yfirstandandi ár hvað varðar útvinnu, þannig að ekki hlaðist upp skuldir.